


宋槧太平御覽



又曰丘中有麻彼留子嗟

禮曰太公封於營丘比及五世皆反葬於周君子曰樂樂其所自生禮不忘其本古之人有言曰狐死正丘首仁也

正丘首正首丘也仁恩也

又曰公叔文子升於瑕丘蘧伯玉從二子衛大夫文子曰樂哉

斯丘也死則我欲葬焉蘧伯玉曰吾子欲之則瑗請前刺其

欲害人良田也

又曰為高必因丘陵為下必因川澤一此出人與

周禮曰丘陵其動物宜羽物其植物宜覆物其民專而長

傳曰車脫其輶火焚其旗不利行師敗于宗丘○春秋元

命苞曰堯為天子季秋下旬夢白帝遺吾馬喙子其母為

扶始昇高丘睹白帝上有雲虎之狀感己生皐陶

春秋說題辭曰丘者墓也○又曰丘谷輔氣元士扶化

爾雅曰丘一成為敦丘成酒重周禮曰為壇三成今江東呼地高者為敦音頓再

成銳上為融丘三成為崑崙丘崑崙山三重形如累三孟如桑者乘丘

形乘如渚者渚丘水中小水潦所止泥丘頂下丘方胡丘

形四絕高為之京人所作非人為之曰丘地自水潦所還曰

埒丘還音環謂丘邊有界埒水繞環之上正章丘頂澤中有丘都丘澤內外

當塗梧丘道塗出其右而還之重丘言為道途出其前戴

丘道南途出其後昌丘道北水出其前消丘水出其後沮

丘水出其右正丘水出其左營丘今齊之營丘淄如覆敦

者敦丘遷迤沙丘左高咸丘右高臨丘前高旄丘後高陵

丘偏高阿丘丘背有丘為負丘中央隆峻狀如右澤定丘

右陵秦丘宋有秦丘見史記如畝畝丘丘有壟如陵陵丘丘上有

丘為宛丘陳有宛丘今在陳郡陳縣淮晉有潛丘今在太原淮南

有州黎丘壽春天下有名丘五其三在河南二在河北者

多以州黎宛管為河南者潛敦為河北者案北方稱天下
 之名丘恐此諸丘碌碌未足用當之殆別有魁梧策大者
 五但末詳其下或丘今在河南今在河南今在河南
 名號所未詳耳
 廣雅曰小陵曰丘
 又曰丘上有木為祕丘
 家語曰丘陵為牡谿谷為牝
 方言曰冢大者謂之丘
 穆天子傳曰天子昇于崑崙之丘以觀黃帝之宮
 巡狩四海登崑崙
 山起宮室於其上
 又曰為盛姬謚曰哀淑人之丘天子名之為丘是曰淑人
 之丘乙丑天子東征舍乎五鹿叔姓也
 也 是曰女姓之丘 因以名也 下卯天子東征釣于漯水以祭
 淑人是曰祭丘
 山海經曰崑崙之丘實惟帝之下都

莊子曰衛靈公死下葬於故墓不吉卜葬於沙丘而吉掘
 之數仞得石槨焉洗而視之有銘曰不憑其子靈公奪而
 埋之夫靈公之為靈久矣

淮南子曰堯時有大風為民害乃繳大風於青丘之野
注曰大風大鷲鳥也

文子曰川竭而谷虛丘夷而泉塞
 越絕書曰闔閭冢在吳縣昌門外名曰虎丘下廣平六十
 步水深丈五尺銅槨三里玉鳧之流扁諸之劍在焉卒十
 萬人治之取土臨湖葬三日白虎居上故號曰虎丘
 東方朔十州記曰長洲一名青丘在南辰巳地地五千里
 去岸二十五萬里上饒山川又多大樹樹有二千圍者一
 洲之上專是林木故一名青丘仙草靈藥甘液玉英靡所
 不有

齊地記曰營丘在臨淄小城內古以爲齊室也丘下周三百餘步高九丈北廂下隆丈五造井水深七丈餘井與地平
伏韜北征記曰博望城內有成湯伊尹箕子冢今皆爲丘
迹異記曰南海中有軒轅丘鸞自歌鳳自舞古云天之樂也
郡國志曰濮陽縣本顓頊之城今謂之帝丘夏后之代昆吾居之春秋衛遷于帝丘夢人登昆吾之墟是也
又曰濮州初徙陶於乘丘故縣掘得漆盃二底內有朱書曰乘丘既見風日糜然爛碎矣陶今定陶
外國圖曰負丘之上有不死樹食之乃壽有赤泉飲之不老蕭丘多大風無人民群犬居之青丘之民食穀衣野絲去琅琊萬三千里神丘有火穴其光照千里去琅琊三萬

里

陳留風俗傳曰雍丘縣有五陵之丘以故名縣

酈善長注水經曰沮水西逕昭王墓東對江陵城故王仲宣之賦登樓云西接昭丘是也

又曰隨縣有斷蛇丘隨侯出見大蛇中斷因舉而藥之故謂之斷蛇丘

又曰鞏縣北有山臨河謂之岑原丘下有穴謂之鞏穴言山潛通淮濟北達于河直穴有渚謂之鮪渚

十道志云岑原丘在縣西北三十三里

陵

釋名曰陵隆也體隆高也

易曰天險不可升地險山川丘陵

又曰躋於高陵三歲不覿

詩曰鳩彼飛隼率彼中陵

又曰高岸為谷深谷為陵

禮曰五月可以居高明可以遠眺望可以觀臺榭

傳曰蹇叔送其子曰殺有二陵其南陵夏后臯之墓其北

陵文王之所避風雨也

春秋說題辭曰陵之為言稜也輔山成其廣層稜扶推益

厥長也

孝經援神契曰德至山川丘陵則景雲出宋均注曰景雲應閒澤不偏也

爾雅曰大阜曰陵

又曰東陵汎所陳切南陵息慎西陵威夷中陵朱勝北陵西

隄鴈門是音戊陵莫大於加陵梁莫大於溴梁墳莫大於河墳

謂之八陵

穆天子傳曰天子東遊次于崔梁曝蠹書于羽陵

莊子曰盜跖死於東陵之上

又曰步仞之丘陵巨獸無所隱其軀而孽狐為之降

呂氏春秋曰凡葬必於高陵之上以避狐狸之患水泉之

濕此則善矣

楊子法言曰百川學海而至於海丘陵學山而不至山是

故惡夫住者住止也

魏子曰堯入百仞之溪則不照三里非矇闇位卑勢下故

也桀紂昇百丈之陵能見四海非照明位高勢尊故也

十洲記曰崑崙陵即崑崙山也西海之戌地北海之亥地

去中國十萬里有弱水周匝繞山

吳錄曰張紘言於孫權曰秣陵楚武王所置名為金陵秦

始皇時望氣故握斷連崗改名秣陵

物理論曰地者鎮之以五岳積之以丘陵

詩曰阪有漆隰有稷爾雅曰陂者阪地不平也

史記曰漢文帝嘗從霸陵西馳下峻坂表益攬轡上日將軍怯也益曰臣聞千金之子坐不垂堂白金之子立不倚

衡令聖主乘危馳不側之淵如馬驚車敗柰高廟何上乃止

漢書地理志曰河東蒲坂縣故曰蒲秦更名應邵曰秦始皇東巡見有

長坂孟康曰本屬晉文公以略秦秦人遷蒲魏人喜曰蒲反矣

漢書曰王陽為益州至邛犍蒲北坂九折歎曰奈何以先人之遺體乘此險乎遂以病去及王遵為刺史至此坂問

吏曰此非王陽所畏道耶叱其馭驅之日王陽為孝子王遵為忠臣應劭注曰坂在嚴道縣界

漢書西域傳曰西域有赤土身熱之坂土即令人身熱無色頭痛嘔吐

續漢書地理志河東太陽縣有顛幹坂今屬山西

蜀志曰先主至當陽之長坂為曹公所追敗

王隱晉書曰孫登楊駿逼迎之與語不答賜布袍登借刀

截斷棄門中大呼云刺斫刺斫卒病死後人見在貴馬坂

穆天子傳曰天子南還昇于長松之坂郭璞注曰坂有長松

酈善長注水經曰洛水東逕九曲其地千里有九坂之曲

穆天子傳所謂天子西征升九阿是也

又曰河水東逕旋門北今城臯西大坂是也昇陟此坂而

東趣成臯城

列女後傳曰昌榮者吳郡許昇之妻也昇為賊所害榮貞固自守黃巾賊陳寶欲干穢之榮執節不聽寶遂殺榮是

日疾風暴雨雷電晦冥實恐懼叩頭謝葬之而去糜府君
聞榮高行遣主簿祭之又出錢助縣爲冢於嘉興郭里墟
北名曰義婦坂

華陽國志曰有朱叩頭坂馬搏頰坂其峻如此
晉太康地記曰常山曲陽縣有恒山坂號飛狐口上壺關
縣有羊腸坂
地理志曰函谷東坂謂之天特坂
述征記曰黃卷坂者傍絕澗以昇潼關長坂十余里九坂
皆迤邐長坂東京賦曰所謂西阻九阿者也
戴延之西征記曰黃坂去終南六十里少華山西
任豫益州記曰汶江水源出玉輪坂下今屬汶江郡在郡
東北三十里

古今地名曰冥軫坂在鹽池東吳城之北今之吳坂

新序曰趙簡子上羊腸之坂群臣皆推車宗會獨當載行
歌簡子曰人臣而侮其主罪若何宗會曰其罪死君亦聞
人君而侮其臣乎則智者不爲謀辨者不爲鬪則其國危
乎簡子曰善以宗會爲上客
郡國志曰雍州咸陽縣北十五里長平坂漢武帝幸甘泉
馳道有蟲覆地赤如生肝問東方朔朔曰秦獄地冤氣也
臣聞酒能銷愁以酒澆之果銷矣

爾雅曰山絕曰陁

郭璞注曰連山中斷者也

漢書曰趙王成安君陳餘聞漢且襲之聚兵井陘口號稱

二十萬

穆天子傳曰天子北征乃絕漳水至于鉞山之下

郭璞注曰即井

鉞山今在常山石邑鄉

述征記曰燕趙開凡厥山路名之曰陘井陘在常山

水經注曰丹山在丹陽屬巴丹山西即巫山者也帝女居焉宋玉所謂我帝之季女名曰瑤姬未行而亡封于巫山之陽高唐之岨且為雲暮為雨朝朝暮暮陽臺之下旦朝視之果如其言故為立廟號朝雲焉其間首尾一百六十里謂之巫峽蓋因山為名也

盛弘之荊州記曰舊云自二峽取蜀數千里中恒是一山此蓋好大之言也唯三峽七百里中兩岸連山略無闕處重巖疊嶂隱天蔽日自非停午夜分不見日月至於夏水襄陵沿流阻絕或王命急宣有時云朝發白帝暮至江陵其間一千二百里雖乘奔御風不為疾也春冬之時則素湍淥潭迴清到影絕巘多生檉柏懸泉瀑布飛其間清榮

峻茂良多雅趣每晴初霜旦林寒澗肅常有高猿長嘯屬引淒異空岫傳嚮哀轉久絕故漁者歌曰巴東三峽巫峽長猿鳴三聲淚沾裳

又曰南崖有重嶺疊起最大高崖間有石色如人負刀牽牛人黑牛黃成就分明此崖既大加以江湍縈紆迴塗經宿猶望見之行者歌曰朝發黃牛暮宿黃牛三日三夜黃牛如故

庾仲雍荊州記曰巴陵楚之世有三峽明月峽廣德峽東突峽即今之巫峽歸秭峽歸鄉峽

表山松宜都記曰巴陵楚之世有三峽高山重郭非日中半夜不見日月猿鳴至清諸山谷傳其響泠泠不絕也王韶之始興記曰中宿縣有觀峽橫巒交枕絕崖窄粵護水口有貞女峽峽西岸水際有石如人形高可七尺狀似

女子是日貞女父老相傳秦世有女數人取螺於此遇風雨晝昏而一女化爲此石

鄧德明南康記曰雩都峽其水常自激通奔如轉輪

郡國志曰南鄉峽峽西八十里有巴鄉村善釀酒故俗稱巴鄉酒也村傍有溪中多靈壽木焉

水經注曰涇陽觀峽下有廟世人以爲河伯晉時縣人有使至洛者使訖將還忽有一人寄其書云吾家在觀前石閒石閒懸藤即其處也但扣藤自當有人取之使者依其言果有二人出外取書并延入水府衣不露濡

又曰續漢書云虞詡爲武都太守下辯東三十余里有峽峽中白水生大石鄣塞水流春夏輒潰溢敗壞城郭詡使人燒石以醋灌之石皆碎裂因鑿去焉遂無泛溺之害

又曰涇水東南逕都盧山山路之中常有如彈峽之聲行

者鼓舞樂而後去即絃歌之山也故謂此山峽爲彈箏峽
○隴西記曰襄武有錦鏡峽即黑水所經其峽四壁花木明媚照影於其中因以稱之也

峽程記曰瀘合遂蜀四郡皆峽之郡自蠻江桔柏池導等江至此二百八十里會于峽前次荆門都四百五十灘即有清水重峯胡灘漢灘忽雷閃電陀灘瀨灘狼尾使君主簿皆使君主簿沉舟之所遂爲名其他不悉記之三峽者卽明月峽仙山峽廣澤峽其有瞿塘灩澦燕子屏風之類皆不預三峽之數

李膺益州記曰廣陽州東七里水南有遮要二埧石石東二里至明月峽峽前南岸壁高四十丈其壁有圓孔形如滿月因以爲名

女子是日貞女父老相傳秦世有女數人取螺於此遇風雨晝昏而一女化爲此石

鄧德明南康記曰雩都峽其水常自激通奔如轉輪

郡國志曰南鄉峽峽西八十里有巴鄉村善釀酒故俗稱巴鄉酒也村傍有溪中多靈壽木焉

水經注曰涑陽觀峽下有廟世人以爲河伯晉時縣人有使至洛者使訖將還忽有一人寄其書云吾家在觀前石間石閒懸藤卽其處也但扣藤自當有人取之使者依其言果有二人出外取書并延入水府衣不露濡

又曰續漢書云虞詡爲武都太守下辯東三十余里有峽峽中白水生大石鄧塞水流春夏輒潰溢敗壞城郭詡使人燒石以醋灌之石皆碎裂因鑄去焉遂無泛溺之害又曰涇水東南逕都盧山山路之中常有如彈峽之聲行

者鼓舞樂而後去卽絃歌之山也故謂此山峽爲彈箏峽

○隴西記曰襄武有錦鏡峽卽黑水所經其峽四望花木明媚照影於其中因以稱之也

峽程記曰瀘合遂蜀四郡皆峽之郡自蠻江桔柏沱導等江至此二百八十江會于峽前次荆門都四百五十灘卽有清水重峯胡灘漢灘忽雷閃電陀灘瀨灘狼尾使君主簿皆使君主簿沉舟之所遂爲名其他不悉記之三峽者卽明月峽仙山峽廣澤峽其有瞿塘灩澦燕子屏風之類皆不預三峽之數

李膺益州記曰廣陽州東七里水南有遮要二埧石石東二里至明月峽峽前南岸壁高四十丈其壁有圓孔形如滿月因以爲名

釋名曰岡亢也在上言之

詩曰陟彼高岡我馬玄黃

又曰如山如阜如岡如陵

又曰謂山蓋高為岡為陵

又曰陟彼岡矣瞻望兄矣

尚書曰火炎崑崙王石俱焚

爾雅曰山脊曰岡

山謙之丹陽記曰句容縣東三十五里有龍岡岡頂有龍

沸潭周迴十三丈聞人聲水便沸動不聞不涌也

王韶之始興記曰郡西南有芙蓉岡高若玉山隣枕郊郭

周迴連亘四十餘里

又曰含洙縣白鹿城南有白鹿岡晉咸和中郡民張鮑作

令著惠有白鹿遊此岡因以為名

雷次宗豫章記曰洪井西有鸞岡舊記說洪崖先生乘鸞
憩處也

顧微廣州記曰四會有金岡行人往往見金於岡側

裴淵廣州記曰城西北五里連續大岡直上百尋名為越

王家吳朝掘覓尉他墓竟無所見於天井岡得六玉璽一

小車州城北有馬鞍岡秦時瞻氣者言南方有天子氣始

皇發民鑿破此岡地中出血今鑿處猶在增城縣有雲母

岡日出照之晃曜

武昌記曰城北有岡高數丈名曰鳳闕其處顯敞昇闕以

望州澤多所遠瞻吳黃龍元年有鳳皇集此岡故謂之鳳

闕鳳闕南十里有金牛岡古老相傳云金牛出此岡岡今

半崩坑深數丈金牛躍出踐岡邊遺跡猶存

王季安成記曰萍鄉西津南五里山名女岡天氣將雨水

輒先涌出石門而有五色玄黃百姓謂之玉女披衣
鄧德明南康記曰陳蕃墓在青龍岡土人傳云昔見一
物龍形而通身絕青數出岡頂及山邊故言名青龍也

又曰贛縣馬脊岡在縣西其形馬脊故以為名也
任端休江陵記曰州城北五十四里有楚平王家枝江妄
竹岡又云平王家周迴數百步未知孰是

荊州記曰零陵郡東南有黃溪黃溪西有礬石岡
衡山記曰衡山有曾青岡出曾青可合仙藥有靈壽岡有
靈壽木周迴數十里芝草岡有神芝靈草

郡國志曰久留岡昔太守衛諷罷郡還京故老送別久留
此岡
又曰顯朝岡在鬱平縣陸續制渾儀處

隋圖經曰歷陵縣西十里有石子岡寶山也而高大有冢

如硯子世謂之研子冢是趙簡子冢也石虎令人發之初
得炭深一丈得連木板厚高八尺次得流泉水水色清冷
非常以牛皮為囊作絞車以汲之一月而水無極乃止築
城繞之氣成樓闕

酈道元注水經注曰蓼水出襄國石井岡岡上有井大如
輪隋區宇圖志云此井光武營軍所鑿傍有聚荆棘生皆
蟠縈如人手結云是光武繫馬處

又石勒時旱天沙門佛圖澄於此岡掘得一死龍長尺餘
濟之以水良久乃蘇尋祭之龍騰空而上天雨即降因名
龍岡

鄱陽記曰大雷岡在縣東北後漢雷義字仲公所居又有
小雷岡岡則雷煥所居之處

太平御覽卷第五十三

[Faint bleed-through text from the reverse side of the page]

太平御覽卷第五十四
地部十九

巖 穴 谷 嶺

說文曰巖者崖也山邊謂之崖

書曰高宗夢得說使百工營求諸野得諸傳巖孔安國注曰使百官以所夢之形像經營求之野得之於傳巖之溪

晉書許詢移居臯屯之巖常與沙門支遁及謝安石王羲之等同遊往來今臯屯呼爲許度巖

齊書曰徐伯珍宅南九里有高山斑固謂之九巖山後漢龍丘萇隱處也山多龍鬚裡望之五采世呼爲婦人巖

盛弘之荊州記曰平樂縣有山臨水巖閒有兩目如人眼極大瞳子白黑分名爲目巖

又曰始興機山東有兩巖迥向鷓尾石室數十所行過者皆聞有金石絲竹之聲

南康記曰陽道士葬巖室臨終語弟子等可送吾尸置彼石室中巾褐香爐此外無所須也葬數年尸猶儼然今舟行者過其山渚長聞香氣咸歎異焉

水經注曰層山石室中有積書卷矣而世士罕有達者因謂之積書巖

鄱陽記曰香巖在貴溪縣東五里舊名腥巖昔術者許旌陽斬蛟於此巖下因此名焉又以板塞巖口尋蛟潛通洪州橫泉井每至天景澄霽見水底板木存焉後人惡其名遂改焉

又曰弋陽嶺上多密巖元嘉中有人見其巖內有三鐵鑊可容百斛中生蓮花他日往尋不知所在

穴

說文曰穴土室也

易曰上古穴居而野處後世聖人易之以宮室

詩曰穀則異室死則同穴

禮記月令曰季秋之月蟄蟲在穴內皆墮其戶墮謂塗閉也

史記曰司馬遷登會稽山探禹穴

范曄後漢書日光武郭皇后父昌生后及生子況況遷大鴻臚賞賜金錢縑帛豐盛莫比京師號況家為金穴

山海經曰熊山有穴曰熊穴恒出神人夏啓而冬閉是穴

若冬啓夏閉乃必有兵象郭璞曰今嶺西有鼓山上有石鼓殊象而

同應

莊子曰越人三世殺其君王子搜患之逃於丹穴越人無

太平御覽 卷五十四
君從之丹穴王子搜不肯出越人燻之以艾承以玉輿
淮南子曰治鼠穴而壞里閭

水經注曰昔巴蠻有五姓未有君長俱事鬼神乃共擲劍
於石穴約能中者衆奉以爲君巴氏子務相乃中之又各
令乘土船約浮者當以爲君唯務相獨浮因共立之是爲
廩君

又曰江陵有駕部口宋文帝車駕發江陵至此黑龍躍出
負帝乘舟左右失色上謂長史王曇首曰此乃夏禹所以
受天命矣我何德以堪之故穴爲龍穴焉

又曰夏平縣有重山即烈山也山下有一穴父老相傳是
神農所生處也

又曰大洪山巖嶂皆數百許初入石門又得鍾乳穴穴上
素崖峭立非人跡所及穴中多鍾乳凝膏下垂望齊冰雪

微津細液滴漉不斷幽穴潛遠行者不極

風土記曰太湖中山有洞穴傍行地中無所不通謂之洞
庭

續搜神記曰長沙醴陵縣有小水有二人乘船取樵見岸
下土穴中水流出有新斫木片逐水流上有深山有人迹
異之相謂曰可試入水中看何由爾一人便以笠自鄣入
穴穴纔容人行數十步便開明朗然不異世上

外國圖曰風山之首高三百里風穴方三十里春風自此
出也

又曰神丘有火穴其光照千里去瑯琊三萬里

荊州圖記曰廬縣有馬穴山傍有地道漢時常有百疋馬
出其中形皆小似滇池馬今遂名其處曰馬穴

又曰縣北九十里有趙屬山傍有石臺高十五丈廣三丈

有穴深一里內甚平整虛寂謂之仙穴
錢塘記曰靈隱山有石穴傍入行十數步有水廣丈餘昔
有人採鍾乳見龍跡聞穴裏搔搔有聲出
宜都記曰猷山縣有文石穴平居無水有渴者至請乞輒
得水戲乞則不得

又曰自西陵北行三十里有石穴名馬穴嘗有白馬出食
人逐之入穴潛行出漢中漢中人失馬亦嘗出此穴相去
數里

武昌記曰蕪菁山有龍穴其水深闊少得入者人採鍾乳
乘火而入下有水深數尺多有蝙蝠來撲火

江乘地記曰西南二十里木廬山有鍾乳穴

鄭緝之東陽記曰北山西崖有石床流木澆灌其側又有
石田如稻田云堂裏有洞穴有人常於此採鍾乳入十餘

日糧絕而穴不可窮

王韶之神境記曰滎陽郡有孤山直長百余丈東北有二
穴寥寥然杳杳然便是雲霞中館矣

又曰滎陽郡北三十里有何家巖傍有一穴始入幽峽而
甚闇昔有採鍾乳者至此見有書三卷竹一枝

潯陽記曰赤山下有石穴有人取鍾乳者經宿不知所窮
水恒流出深處淨乃得過行數里輒見有光明聞裏有聲
若霹靂此人遽出竟無以測遠近有仙鼠常撲火

鄧德明南康記曰西南有通天穴四壁石色似畫丈六像
下有石床有石子彈丸聚有一角

又曰平固縣西覆笥下有洞穴穴口可廣五六尺高五尺
餘昔有人採鍾乳深入爲暝不得出遂留住宿忽聞頭上
有篙船之聲

北征記曰姑熟有井山有九穴與江通

吳郡臨海記曰海虞縣有穿山下有洞穴昔有在海中行
者舉帆從穴中過

盛弘之荊洲記曰宜都很山縣有山山有風穴口大數尺
名爲風井夏則風出冬則風入樵人有冬過者置笠穴口
風吸之經月還涉長陽溪而得其笠則知溪穴潛通

玄中記曰蜀郡有青城山有洞穴分爲三孔西北通崑崙
婁地記曰太湖東小山名洞庭純石巉巖木唯松柏山有
三穴東頭北面一穴不容人西頭南面一穴亦然並有青
泉流出西北一穴僂僂纔得入穴外石盤礫形勢驚人穴
裏如一閒堂屋上高丈餘恒津潤四壁石色青白南壁開
處側肩得入潛行二道北通琅琊東通武縣西通長沙巴
陵湖吳大帝使人行三十余里而反云上聞有浪聲有大

蝙蝠如鳥拂殺人火穴中高處火照不見穴有鵝管鍾乳
冰寒可得入春夏不可入

郡國志曰虔州歸義山夢水出焉有石室金色號爲金穴
室內常有金鼠出入

又曰瓜州常樂縣有風穴恒以大石棧之若開暴風起連
日

又曰循州有龍穴潛通于海于洞庭吳都賦云目龍川而
帶垆是此也

又曰號州楊震宅西有龍望原南崖有太尉公藏書穴太
元初人入穴見古書二十餘卷焉

會稽記曰郡有禹穴案漢書司馬遷傳云上會稽探禹穴
又有禹井

楊都賦云入洞穴出蒼梧注云在零陵言人從禹穴入至

蒼梧出也

周地圖記曰順政郡丙穴以其口向丙因以為名沮水經穴間而過或謂之大丙水每春三月上旬復有魚長八九寸或二三日聯綿從穴出躍相傳名為嘉魚即左太冲蜀都賦所謂嘉魚出於丙穴是也
武陵記曰鹿山有穴昔宋元嘉初武陵溪蠻人射鹿逐入一石穴穴才可容人蠻人入穴見有梯在其傍因上梯豁然開朗桑果藹然行人翱翔不似戎境此蠻乃批樹記之其後尋之莫知所處

谷

說文曰泉通川曰谷

易曰入于幽谷三歲不覿凶

詩曰葛之覃兮施于中谷唯葉萋萋

又曰惴惴小心如臨于谷

又曰伐木丁丁鳥鳴嚶嚶出於幽谷遷于喬木

又曰皎皎白駒在彼空谷

左傳曰莫敖縊于荒谷盛弘之荊州記曰今竹林是也

爾雅曰水注溪曰谷

蜀志曰谷口今之斜谷是也

唐書曰王龜字大年性簡淡蕭灑不樂仕進少以詩酒琴書自適不從科試京城光福里起第兄弟同居斯為宏敞龜意在人外倦接朋游乃於永達里園林深僻處創書齋吟嘯其閒目為半隱亭及從父起在河中於條山谷中起草堂與山人道士遊朔望一還府第後人目為郎君谷老子曰谷得一以盈谷無以盈將恐竭又曰江海能為百谷王者以其善下之也故能為百谷王

又曰知其榮守其辱爲天下谷
相子曰昔齊桓公入谷問父老曰此何谷荅曰謂臣愚名
爲愚公谷

風俗通曰南陽酈縣有甘泉谷水甘美云其山上有菊花
水從山中流下得其滋液谷中三十餘家不復穿井仰飲
此水上壽者一百二十中者百餘歲

漢武故事曰上微行至柏谷宿於逆旅

劉向別錄曰方士傳言鄒衍在燕有谷地美而寒不生五
穀鄒子居之吹律而溫氣至而生黍穀今名黍谷

博物志曰夏桀之時爲長宮於深谷之中三旬不出大風
揚沙一夕填此宮谷也

虞喜安天論曰日月行於飛谷謂地中也不聞列星復流
於地且谷有水體日爲火精水火不共器得無傷日之明

乎

水經注曰今居縣西北塞外瓦街谷水文成龍試攪破之
尋手成龍畜生將飲皆畏而走又燉煌西有馬蹄谷漢武
帝聞大宛有天馬遣李廣利伐而得之甚以爲奇故賦天
馬之歌

秦州記曰古有神婦負土欲塞谷繩絕墜負押木因成三
樹其大數圍

尋陽記曰廬山西南有康王谷又北嶺有劉成谷天欲雨
輒聞鼓角簫笳聲

戴延之西征記曰梓澤去洛城二十里澤在金谷之中朝
賢所集賦詩是石崇所居

郡國志曰武都沮水之西有角弩谷即蜀將姜維勦五部
溪羌之所

又曰王喬谷俗謂太公即王喬所隱處谷有喬堂歲常祀之
雲陽記曰龍谷水出雲陽宮東南

又有鄭泉云漢時鄭朴字子真隱於谷口不厲其志耕於巖石之下名震京師時人亦因子真所居以為名也

又有冷谷封禪書所謂谷口是也去雲陽宮八十里出鐵冶鑄之所因以為名入谷便流潦沸騰飛泉激兩岸峭壁

孤豎盤橫枕谷口凜然凝浮常如八九月中朱明盛暑當晝暫暄涼秋晚候緼袍不暖所謂寒門也

又云入冷谷二十里有百里槐樹樹北有泉名曰金泉按此樹猶存金泉西南百步谷中今有毛原監也

十道志曰大谷在鞏縣東五里張衡東京賦曰孟津達其後大谷通其前

陳思王浴神賦曰經通大谷
潘岳閑居賦曰張公大谷之黎皆謂此也

興州志曰東嶺

廣州記曰有五嶺大庾始安臨賀桂陽揭陽是也

南康記曰秦始皇略定楊越謫戍五方南守五嶺第一塞

上嶺即南康大庾嶺是第二騎田嶺今桂陽郡臘嶺是第

三都龐嶺今江華郡永明嶺是第四毗渚嶺亦江華郡白

芒嶺是第五越城嶺即零陵郡南臨源嶺是也

談藪曰光州西北有一嶺高峻北臨滄江齊尚書郎崔挺

遷光州於嶺上欲立觀宇故老云此嶺秋夏之際常有暴

風迅雨巖石盡落相傳云是龍道不可久立挺曰人神相

去何遠之有虬龍倏忽豈唯一路乎遂營之數年果無風

雨之患挺還歸尋為雷風所毀後不能立

吳地志云南野縣有大庾嶺通廣州
 晉大庾地志嶺峻阻螺轉上踰九磴二里至頂下七里平
 行十里至亭一名橫亭一名塞上嶺
 建安記曰建安縣有禱嶺與泉州分界言嶺高禱而方過
 又有飛猿嶺喬木造天猿猴之所飛走故曰飛猿嶺
 歙州圖經曰海寧有蜜嶺有木石糖出樹空石罅中百姓
 每採之
 又曰黟縣有墨嶺上有石如墨色軟膩土人取以為墨
 又曰婺源有甘子嶺此地本無甘樹唯此忽有一人株因
 以為名
 輿地志曰東陽畢嶺之下有錢嶺往往人於此嶺下獲大
 錢俗謂之錢嶺
 又曰贊皇縣有孔子嶺上有石堂寬博其石相拒若楹柱

有石人象執卷之狀

雷次宗豫章記曰西山中峯最高頂名鶴嶺即子喬控鶴
 經過之所壇在鶴嶺之側雲景鮮美草木秀潤異於它山
 山側有土名控鶴鄉

太平御覽卷第五十四

太平御覽卷五十四

山阿有土谷野稱
辨酸之河...
雷穴宗新...
育...人...

太平御覽卷第五十五

地部二十

窟

野

郊

禮記曰古未有宮室冬居營窟夏居橧巢也

左傳曰鄭伯有嗜酒為窟室而夜飲擊鍾焉朝至未已朝

者曰公焉在曰吾公在壑谷壑谷窟室也

史記曰吳公子光之謀王僚也專諸謂曰王僚可殺也公

子光乃伏士於窟室中而具酒請王僚使專諸置匕首魚

炙之中專諸擊魚因以刺王僚王僚立死

戰國策曰馮煖謂孟嘗君曰兔有三窟僅得免死君始一

窟未得高枕而卧也請為君復鑿二窟乃西遊於梁謂梁

惠王曰齊放其大臣孟嘗君諸侯先迎者國富兵強梁王

乃聘以爲相齊王聞之懼乃請反國馮煖使請先致祭器立宗廟於薛三窟已就煖之力也

晉書曰王衍用弟澄爲荊州從弟敦爲青州曰荆有漢江之固青有負海之險吾留於此足爲三窟

王隱晉書曰魏末有孫登字公和汲郡共人也無家屬時人於汲縣北山土窟中得之

崔鴻十六國春秋前秦錄曰張忠字巨和中山人也永嘉之亂隱於秦山端拱若尸無琴書之適不脩經典勸教但以至道虛無爲宗其居也依崇巖幽谷鑿地爲窟室弟子亦窟居去忠六十余步五日一朝其教也以形不以言弟子受業觀形而退

淮南子曰鳥飛反鄉兔走歸窟

典略曰蘇秦與張儀始俱東學於齊鬼谷先生皆通經藝

百家之言鬼谷弟子五百余人爲作窟深二丈曰有能獨下在窟中說使泣者則能分人主之地矣秦下說之鬼谷泣下沾衿秦與儀說一體也

又曰董卓雖親愛吕布然時醉則罵以刀劍擊之不中而後止布恐終被害乃私與司徒王允及尚書令士孫端謀養死士於窟室三年四月天子疾瘳卓詣宮賀布先置死士以邀之卓嚴駕出馬躡不肯行心恠之欲還布勸使行到宮門入掖門死士交戟刺卓墮車顧布所在布下馬曰有詔遂殺之

列仙傳曰歷陽有彭祖窟請雨輒得也

神仙傳曰李意其蜀人於成都角作一土窟居之冬夏單衣髮長翦去之皆使長五寸或百日二百日三百日不出窟

郡國志曰相州隆慮山有一洞去地千仞俗謂聖人窟下有小山孤竦謂之王女樓仙人臺亦曰香爐峯也又曰馬邑白道齊坂有土穴出泉即琴操謂飲馬長城窟也

秦州記曰河崖傍有二窟一曰唐術窟深四十餘丈高四十餘丈中有三佛寺流泉浴池鑿石作丈六像三百余區其西二里則曰時亮窟高百丈廣二十丈深三十丈亦有泉水藏古書五卷唐術時亮皆古之孝行上也

又曰州圖經曰唐術窟在郡西龍支谷彼人亦罕有至者其窟內有物若似今書卷因謂之精巖巖內時見神人往還蓋古仙所居耳羌胡懼而莫敢近又謂鬼為唐術故指此為唐術窟

豫章記曰豐城縣有雷孔章掘神劔窟方廣七八丈

王韶之南康記曰神源下流百里有峽兩岸皆高山峽下數十里有蛟龍窟時有霧氣者宿云此通南康縣去此穴由百余里嘗有宿其口者夜遇暴雨水器物乃流出彼此如其然

野

說文曰野郊外也

周易曰龍戰于野其血玄黃

又曰同人于野亨利涉大川乾行也王弼曰所以乃能同非二之所能也是乾之所行也

又曰上古穴居而野處後世聖人易之以宮室

書曰啓與有扈戰于甘之野作甘誓

又曰大野既瀦東原底平

又曰伊尹相湯伐桀升自陬遂與桀戰于鳴條之野孔安國曰

地在安邑之西

又曰高宗夢得說審厥象傍求于天下說築傅巖之野惟肖

又曰王日來說台小子舊學于甘盤既乃遯于荒野入宅

于河既學而中廢業遯居田野河洲也

又曰歸馬于華山之陽放牛于桃林之野示天下弗復用

又曰武王伐紂至于牧野乃誓

毛詩曰野有死麕惡無禮也林有樸橄野有死鹿白茅純

束

又曰燕燕于飛差池其羽之子于歸遠送于野

又曰野有蔓草零露團兮

又曰葛生蒙楚蘼蔓于野予美亡此誰與獨處毛萇曰喻婦人外戚

於他家謂其君子從軍未還未知死生

又曰蝻蝻者蜀烝在桑野敦彼獨宿亦在車下鄭玄曰蜀勞苦者

詩曰鴻鴈于飛肅肅其羽之子于征劬勞于野

又曰鶴鳴于九臯聲聞于野

又曰我行其野蔽芾其樛婚姻之故言就尔居

又曰我征徂西至于芄野

又曰殷商之旅其會如林矢于牧野維予侯興

又曰京師之野于時處處于時廬旅于時言言于時語語

鄭玄曰京師衆民所居之地舍其賓旅言其所當言語也

又曰駟駟牡馬在坰之野

韓詩外傳曰孔子出遊少原之野有婦人哭甚哀問之婦

人曰向刈薪亡吾簪簪是以哀也非傷亡簪其不忘故也

禮記曰季春之月命司空日時雨將降下水上騰循行國

邑周視原野脩利堤防

又曰舜勤衆事而野死鯀鄣洪水而殛死

周禮曰大司徒之職掌建邦之土地之圖而辨其邦國都

鄙之數制其畿疆而溝封之設其社稷之壇而樹之田主

各以其野之所宜木遂以名其社與其野壇與壝也

又曰惟王建國辨方正位體國經野

又曰以九伐之法正邦國野荒民散則削之

又曰甸師掌共野果蔬之薦

又曰遂人掌邦之野凡事致野役而師田作野民帥而至

掌其政治禁令凡國祭祀共野牲職凡賓客令脩野道而

委積委積於廬宿市經田野造縣鄙形體之法皆有地域溝樹之

入野職野賦于王府

又曰野廬氏掌達國道路至于四畿比國郊野之道路宿

息井樹

又曰大司寇之職以五刑糾萬民一日野刑上功糾力刑亦

法也功農功加勤力

又曰縣士掌野合掌其縣之民數糾其戒令而聽其獄訟

左傳曰辛有適伊川見被髮祭於野者曰不及百年此其

戎乎其禮先亡矣

又曰鄭伯亨趙孟于垂隴伯有賦鶉之賁賁趙孟曰牀第

之言不踰闕況在野乎非使人之所得聞

又曰崔氏之亂申鮮虞僕質於野以喪莊公楚人召之遂

如楚爲右尹

又曰子產之從政也擇能而使之裨謚能謀謀於野則獲

謀於邑則否鄭國將有諸侯之事子產乃令裨謚乘以適

野使謀可否而告馮簡子使斷之

又曰鸚鵡之羽公在外野往饋之馬

又曰齊悼公使朱毛遷安孺子於駘不至殺諸野幕之下爾雅曰邑外謂之牧牧外謂之野

春秋合誠圖曰堯母慶都蓋大帝之女生於斗維之野常出河東南天大雷電有血流潤大石之中生慶都

管子曰萬乘之國兵不可以無主地博大野不可以無吏野無吏則無蓄積野無田夫則人墮本業故無蓄積

又曰行其田野視其耕耘計其農事而飢飽之國可知也其耕之不深耘之不謹地宜不任草田多穢耕者不必肥

荒者不必燒其野草田多而闢田少者雖不水旱飢國之野

淮南子曰孔子行於東野馬食農夫之稼野人怒取其馬而擊之使子貢往說之畢辭而弗能得乃使馬圍往說之

野人大喜解馬而與之

又曰上游乎霄霏之野下出乎無垠鄂之門高誘曰霄霏垠鄂無形之貌也霄讀練

紉霏讀若翟氏之翟也國語曰曰季使舍於翼野賈逵曰曰季晉臣翼野晉地翼缺釋其妻鮪

之敬相待如賓從而問之曰翼芮之子也與之歸

家語曰叔孫氏之車士曰子鉏商車士將車者子鉏商名也採薪於

大野獲麟焉折前左足載歸叔孫以為不祥棄郭外告孔

子曰麇而角者何也孔子往觀曰麟也孰為來哉孰為來

哉

呂氏春秋曰禹東至搏木之地青差之野高誘曰青差東方之野也

帝王世紀曰黃帝與神農氏戰於阪泉之野

又曰炎帝殺蚩尤於中冀名其地曰絕轡之野

又曰湯時大旱殷史卜曰當以人禱湯曰吾所為謂自當

太平御覽

遂齋戒剪髮斷爪已爲牲禱於桑林之野告於上天已而
雨大至

又曰棄恤民勤稼蓋封地方百里巡教天下死於黑水之
間潢渚之野

又曰秦自非子受封至昭王滅周之歲在大梁前後七遷
皆在禹貢雍州之域荆山終南敦物之野東井輿鬼之分
鶉火之次也

焦贛易林曰舜升大禹石夷之野嚮詣王庭拜治水土
又曰多載重負捐棄於野徒勞但苦顧無誰予
水經注曰自朝歌以南暨清水土地平行據阜跨澤悉坤
野矣

郊

說文曰距國百里曰郊

爾雅曰邑外曰郊

易曰密雲不雨自我西郊

又曰同人于郊無祗悔

詩曰子子于旄在浚之郊

又曰逝將去汝適彼樂郊

禮記月令曰立春之日天子親率公卿諸侯大夫以迎春
於東郊

又曰天子親耕於南郊以共粢盛王后蠶於北郊以共純
服諸侯耕於東郊亦以共粢盛夫人蠶於北郊以共冕服
又曰因吉土以饗帝于郊

周禮曰閭師掌國中及四郊之民六畜之數以任其力以
待其政令以時徵其賦

又曰正歲帥其屬而慮禁令于國及郊野

去國百里爲郊郊外曰野

又小宗伯之職掌建國之神位若大甸則帥有司而饗獸于郊有司大司馬之屬蓋饋也

漢書曰王莽天鳳四年八月莽親之南郊鑄作威斗其日大寒百官人馬有凍死者

老子曰天下無道戎馬牛於郊

又曰天子之禮南郊以其祭天也

又曰天子之禮南郊以其祭天也

太平御覽卷第五十五

地部二十一

太平御覽卷五十六

地部二十一

陸 隴 堆 墟 峴 培墟

釋名曰高平曰陸陸漉也川流漉而去也

說文曰陸高平地也

周易曰鴻漸于陸夫征不復婦孕不育凶利禦寇王弼曰頂也進而之陸與四相得不能復反者也

又曰寬陸丈夫中行無咎

易坤靈圖曰聖人受命瑞應先於河瑞應之至聖人殺龍龍不可殺皆感氣也君子得眾人之助瑞應先見於陸瑞應之至君子殺蚺蚺不如龍陸不如河

焦贛易林曰山沒丘浮陸為水魚燕雀無巢民無室廬

又曰鳧池水廉高陸為海江河橫流魚鱉成市

尚書曰恒衛既從大陸既作孔安國曰二水已治從其故道大陸之地已可耕作也

毛詩曰考盤在陸碩人之軸

又曰鴻飛遵陸公歸不復於女信宿毛萇曰陸非鴻所宜處也

周禮曰作車以行陸作舟以行水此皆聖人之作

樂動聲儀曰土肥饒原陸隘狹斯生奢侈之俗也

漢書曰禹陸行載車

又曰秦地有鄠杜竹林號曰陸海

又曰鄒陽奏書吳王曰高皇帝水攻則章邯以亡其城陸

擊則荆王以失其地

魏名臣奏曰執金吾龐延秦其山居林澤有火耕畚種而

平地平陸雖有往古耒耜區種之法就其收者適可蔬食

不足實食也

關令內傳曰關令尹喜生時其家堂陸地自生蓮華光色

鮮盛

文子曰却走馬以糞車軌不接於遠方之外是謂坐馳陸

汎

老子曰蓋聞善攝生者河上公曰攝養也陸行不遇兕虎自然遠避害不

也入軍不被甲兵

莊子曰泉涸魚相與處陸相煦以濕相濡以沫不若相忘

于江湖

王充論衡曰夫知古不知今謂之陸沈然則儒生所謂陸

沈者也

應劭風俗通曰荆鼈令死亡隨水上荆人求之不得也鼈

令至岷山下邑起見蜀望帝使鼈令鑿巫山然後蜀得陸

處望帝自以德不如以國禪與鼈令為蜀王號曰開明
傅子曰堯遭洪水而貴陸湯遇大旱而重水
又曰陸山命懸於天人力雖脩苟水旱不時則一年之功
棄矣

六韜曰天下之陸沉於舟久矣

傅咸扇賦曰水不策驥陸不乘舟世無為而俎豆設時有
虞而干戈脩

夏侯湛春可樂曰春可樂兮樂崇陸之可娛登夷岡以迥
眺兮超矯駕乎山嶠

又秋可哀曰秋可哀兮哀南畝之萊荒既採蕭於大陸兮
又刈蘭乎崇岡

又梁田賦曰嬉于夷寧之廣陸步于大野之長京察田疇
之疆畔兮觀遊雉之逸形

說文曰京人所為絕高丘也

毛詩曰升彼墟矣以望楚矣望楚與堂景山與京毛萇曰京高丘也

又曰曾孫之稼如茨如梁曾孫之庾如坻如京

又曰依其在京侵自阮疆陟彼高岡無矢我陵
爾雅曰丘之高絕者曰京

張揖廣雅曰四起曰京

應劭風俗通曰京謂非人力所能成天地性自然也京師
義亦取此

干衣裁來阿天其音

說文曰大陵曰阿一曰阿曲阜也

毛說曰無矢我陵我陵我阿無飲我泉我泉我池鄭玄曰文王侵

阮國阮之兵無敢當其凌及
阿又無敢飲於泉及池者也
又曰有卷者阿飄風自南毛萇曰惡人被化而消愷悌君
子來游來歌以矢其音

又曰誰謂爾無羊三百維群誰謂爾無牛九十其特或降
于阿或飲于池京相非人代阿謂之阿

又曰陟彼中阿言採其芣
又曰考盤在阿碩人之邁
又曰菁菁者莪在彼中阿
又曰綿蠻黃鳥止于丘阿

張揖廣雅曰曲陵曰阿
史記曰黃帝披山通道而邑于涿鹿之阿
帝王世紀曰蚩尤氏強榆岡爭王於涿鹿之阿

穆天子傳曰天子西征升于九阿郭璞曰今新安縣十里九坂也

嵇康聖賢高士傳讚曰許由養神宅于箕阿德具體全擇
日登遐

樂資春秋後傳曰阿旁宮未成成更欲擇令名名之作宮
阿旁故天下謂之阿旁宮

漢武內傳曰西王母命侍女歌云仰上升絳庭下遊日窟
阿顧盼八落外遠指九空遐

董覽吳地志曰曲阿秦時名雲陽太史云東南有天子氣
在雲陽之間故鑿北岡令曲而阿因名曲阿

相寬鹽鐵論曰晉有河華九阿而奪於六卿齊有泰山巨
海而脅於田常

孫楚王驃騎誄曰逍遙芒阿闔門下惟研精六藝採賾鈞
微

湛方生詩曰發鞍踞平陸秣馬青山阿濁酒炙枯魚鼎食

何必過

表宏採菊詩云息足迴阿圓坐長林披榛即澗藉草依陰
酈炎詩曰靈芝生阿州動搖困洪波秋蘭榮何晚嚴霜瘁
其柯哀哉二芳草不殖太山阿

摯虞遷宅誥曰惟大始三年九月上旬涉自洛川周于原
阿乃卜昌水東黃水西背山面濕惟此良

陸機逸民賦曰相荒土而卜居兮度山阿而考室
又緩齊歌行曰邀仙聚靈族高讌會城阿長風萬里舉慶
雲鬱嵯峨

峴

從征記曰青峴沙峴一名小峴木多檀杏
續述征記曰菟頭峴雖無峭峻然連林脩坂數十里中行
者固亦密勿矣

伏琛齊地記曰萊蕪谷有銅冶峴古鑄銅處朱虛城西有
山峴遠而峻今名半車峴

白淵之齊道記曰黃丘北十里有鶯鶯峴下帶長澗東北
流經牛山山去此水八十余里今號曰牛頭水是齊景公
所登而歎處

劉楨京日記曰去城九里有白石峴
江乘地記曰城東四十五里竹里山王遂所經途甚傾嶮
行者號為翻車峴也

武昌記曰城東南有金牛崗崗有石鼓峴上有三石鼓鼓
鳴天必雨

隴

方言曰秦晉之間冢謂之隴
說文曰隴天水大坂也

廣志曰沐沙在玉門關外東西數百里有三斷名曰三隴也

三秦記曰隴西關其坂九迴不知高幾里欲上者七日乃越高處可容百餘家下處數十萬戶上有清水四注俗歌曰隴頭流水鳴聲幽咽遙望秦川心肝斷絕去長安千里望秦川如帶又關中人上隴者還望故鄉悲思而歌則有絕死者

秦州記曰隴西郡東一百六十里得隴山南北亘接不知遠近東西廣百八十里其高處可三四里登此嶺東望秦川四五百里極目茫然墟宇桑梓與雲霞一色東人西役升此而顧瞻者無不悲思其上懸巖吐雷於嶺中淵停名曰萬石淵溢流散下皆注於渭故北人升此而歌始興記曰盧水合武水甚險名曰新隴有太守周昕廟即

始開此隴者行者放雞散米以祈福而已着濕衣入廟

堆

爾雅郭璞注曰江東呼地高堆者為敦

說文曰堆小阜也

又曰巴蜀山岸脅之堆傍欲落者曰坻坻崩聲聞數百里漢書曰楊雄上書曰往者圖西域豈為康居烏孫踰白龍堆而寇西邊哉乃以制匈奴也

堆形如土龍無頭尾高者二三丈

水經注曰緱氏山仙者昇焉言王子晉控鶴斯阜靈王望而不得近舉手謝而去其處得遺屣焉俗謂為父堆

又曰函關直北隔阿有層阜巍然獨秀孤峙河陽世謂之風陵戴延之所謂風埏者也

又曰瞿堆南絕壁峭峙孤嶮雲高望之形若覆唾壺高二十余里羊腸蟠道三十六迴開山圖謂之仇夷所謂積石

嵯峨嶽岑隱阿者也上有平田百頃煑土成鹽因以百頃
 為號山上豐水所謂清泉湧沸潤氣上流者也漢武帝元
 狩六年開以為武都郡天地大澤在西故以都為目矣長
 安圖曰高望在延興門南八里
 潘岳西征賦曰憑高望之陽隈
 梁州記曰南鄭城泝漢上五十里水邊有漢武堆漢武嘗
 遊此以為釣臺後人觀其崇基謂之漢武堆
 迹異記曰當陽縣南有龍川鳳川云漢帝時入龍五鳳常
 遊於此亦呼為五鳳堆
 安定圖經曰振履堆者故老云夸父逐日振履於此故名
 之

墟

說文曰墟大丘也崑崙謂之墟

史記曰成王伐管蔡以殷餘人封康叔為衛君居故商墟
 漢書曰元城郭東有五鹿之墟即沙麓之地也

越絕書曰千里墟者闔廬以鑄干將劍處
 又曰吳門外鷄坡墟故吳所畜鷄處也

新序曰齊相公出見遺墟問諸野人野人曰是號之墟公
 曰號氏何為亡對曰善不能行惡不能去所以為墟矣
 風俗通曰謹案尚書舜生姚墟

又曰姚墟在濟陰城陽縣帝顓頊之墟闕伯之墟是也
 培塿

說文曰附塿小土山也

左傳曰培塿無松柏

方言曰豕秦晉之間謂之培塿
 墨子曰培塿之側則生松柏民衣焉食焉家焉死焉地終

不責德故以為仁限主林林又必無食皆家氣派無賦發
風俗通曰培塿者即阜之類也今齊魯之閒田中小高者
名之為培塿矣

割製

又曰... 太平御覽卷第五十六
太平御覽卷第五十六
太平御覽卷第五十六

太平御覽卷第五十七

地部二十二

林 麓 原 隰

林

說文曰平土有叢木曰林
釋名曰林森也森森然也
爾雅曰野外謂之林

易曰即鹿無虞惟入于林中
焦贛易林曰山林麓藪非人所處鳥獸無禮使我心苦
詩曰肅肅兔置施于中林赳赳武夫公侯腹心

又曰林有樸藪野有死鹿白茅純束
又曰爰居爰處爰喪其馬干以求之于林之下

又曰鳩彼晨風鬱彼北林
毛萇曰北林林名也相招賢人
往從之使疾如晨風之飛入北

林

又曰有鶯在梁有鶴在林鄭玄曰鶯之性貪惡而今在梁鶴潔白而反在林也

又曰厥初生民時惟姜嫄載生載育時維后稷誕寘之隘

巷羊牛腓字之毛萇曰寘置也腓辟也字愛也鄭玄曰誕姜嫄置后稷羊牛之徑亦以為異也

寘之平林會伐平林置人所收取也

又曰瞻彼中林甞甞其鹿毛萇曰視彼林中其鹿相輩偶甞甞衆多今朝廷群臣皆相欺

背言其鹿之不如也

又曰翩彼飛鴉集于泮林食我桑椹懷我好音鄭玄曰鴉止於泮水之木食桑椹改其鳴歸就我善音喻人感於恩則化之

禮曰草木零落然後入山林

又曰林藪川澤有能取蔬食野虞教導之

又曰林麓川澤以時入而不禁

蔡邕月令章句曰叢木曰林受衆流注曰海

周禮曰凡邦工入山林而掄材不禁

又曰林衡掌巡林麓之禁令而平其守以時計林麓而賞

罰之鄭玄曰平其守者平其地之民守林麓之部分

又曰柞氏掌攻草木及林麓夏日至今刊陽木而火之冬

日至今剥陰木而水之鄭玄曰刊剝也生山南為陽木生山北名陰木火之則使其隸

不生

又鄭注曰竹木曰林

大戴禮曰高山多林虎豹蕃孕焉深泉大川魚龍交焉

左傳曰楚薳掩為司馬書土田度山林鳩藪澤牧隰臯

楊方五經鈎沉曰夫鳥遊曠澤之地而比翮者萬群虎居

繁林之藪而接豪者千數

又曰夫霜樹落葉而鴻鴈南飛桃林披華而玄鳥入宇

家語曰芝蘭生於深林不以無人而不芳君子脩道立德

不爲困窮而改節

史記曰殷紂厚賦稅實鹿臺錢盈鉅橋粟廣沙丘苑臺大戲沙丘以酒爲池懸肉爲林爲長夜之飲

又曰稷母姜嫄見巨人迹心忻踐之而身動如孕胎居期生子棄之隘巷馬牛不踐徙之林中會山林多人遷之渠中水上鳥以翼覆薦之

又曰單于秋馬肥大會蹄林課校人畜

又曰神龜在江南嘉林中嘉林者無鳥獸無毒蟲火所不及斧所不至

帝王世紀曰桀爲肉山脯林以酒爲池使可運舟

漢書曰草木未落斧不入於山林豺獾未祭罟網不布於楚澤

又曰山林之士往而不能返朝廷之士入而不能出

後漢書曰法雄爲南郡太守移書屬縣曰凡虎狼之在山林猶人民之居城市

張瑩漢南記樊重家素富田至三百頃竹木成林六畜放牧桑漆魚池閉門成市

魏志曰曹植上疏曰東有覆敗之軍西有殪沒之將至使蚌蛤浮翔於淮泗鼪鼯謹譁於林木

臧榮緒晉書曰郗詵爲雍州刺史帝於東堂餞之問詵曰卿自以爲何如詵對曰臣舉賢良對策爲天下第一猶桂林之一枝昆山之片玉世祖笑侍中奏免詵詔曰吾與之戲耳

又曰華譚移前松滋令表甫曰枯澤非應龍之泉平林非鸞鳳之窟

又曰王戎少阮籍二十餘年相得如時輦遂爲竹林之遊

晉書曰劉靈與阮籍嵇康相遇忻然神解便攜手入林
又曰嵇康以高契難期每思郢質所與神交者唯阮籍山
濤遂爲竹林之遊預其流者向秀劉靈阮咸王戎
干寶晉紀曰初管輅過母丘氏墓下倚樹哀吟精神不樂
林木雖茂無形可交碑誄雖美無後可守
後魏書曰魏之先居幽都也鑿石爲祖宗之廟於烏洛侯
國西北自後南遷其地隔遠遣中書侍郎李敞詣石室告
祭天地以皇祖先妣配敵等既祭斬樺木立之以置牲體
而還後所立樺木生長成林其民益神之威謂魏國感靈
祇之應也

又曰太祖道武帝以建國三十四年七月七日生於參合
陂北明年有榆生於埋胞之坎遂成林

又曰葬昭成皇帝於金陵營梓宮木柿盡生成林

顧愷之啓蒙記曰汎林鼓於浪巔注西北海有汎林或方
三百里或方百里皆生海中浮土上樹根隨浪鼓動

山海經曰桃林方三百里在崑崙南夸父山北

又曰夸父逐日走渴飲河不足道渴死其杖化爲鄧林

山謙之吳興記曰於潛縣北有天目山山上衆木甚美非

常因名翔鳳林

盛弘之荊州記曰宅上山頂有玉女冢塋墳整固上有喬

木叢生名爲女貞林常有白猿栖遊哀鳴清絕

又曰江陵縣東一百里有綠林山茂林蓊鬱襄陽大路經
曲其西所謂當陽之綠林也

伍端休江陵記曰城西北六十里有大林春秋魯文公六
年楚飢戎侵其西至于阜山師于大林卽此地也

又曰州城東北十二里有曹公林相傳云建安十三年曹

操躡劉備於當陽長坂迴師頓此林因謂之曹公林
任豫益州記曰廣平有石紐林禹生處也地方百許里今
人猶不敢居止

外國圖曰桂林地多林木無平土眾猴居之無人民去九
疑四萬里龜林地險無平土眾龜居之

應劭風俗通曰配林在太山西南五六里金樹木蓋不足
言

劉義慶世說曰魏武行役失汲道三軍皆渴乃曰前有大
梅林饒子甘酸可以解渴士卒聞之口皆水出乘此得及
前源

莊子曰孔子遊乎緇帷之林坐杏壇之上弟子讀書孔子
絃歌鼓琴曲未半漁父下船而來
國語曰康叔射兕于徒林殪以為大甲

越絕書曰麻林者越王種麻於此以為弩絃故名麻林

麓

說文曰林屬於山曰麓一曰麓者守山林吏也

左傳僖公十四年沙麓崩

書鴻範五行傳曰沙麓者山名也

詩文王篇旱麓章曰瞻彼旱麓山足曰麓

禮記曰林麓川澤以時入而不禁

漢書曰王翁孺徙魏郡元城元城建公曰昔春秋時沙麓
崩晉史卜之曰陰為雌陽為雄土火相乘後六百四十五
年宜有聖女興今王翁孺徙其地日月當之翁孺生禁禁
生元后

漢書應劭曰麓林之大者

風俗通曰尚書云堯禪舜納于大麓麓林屬於山者也

原

釋名曰原元也如元氣廣大也

書曰既修太原至于岳陽孔安國曰高平曰原太原今以爲郡

又曰大野既漕東原底平孔安國曰東原致功而平言可耕也

又曰若火之燎于原弗可嚮邇其猶可撲滅

詩曰度其鮮原居岐之陽在渭之將萬邦之方下民之王

鄭玄曰文王自知德盛謀居善原岐山之南渭水側爲萬國所向作民之君

又曰篤公劉于胥斯原既庶既繁既順迺宣而無永嘆鄭玄

曰公劉之相此原以居民而無長嘆者也

又曰鶴鳴在原兄弟急難

又曰原隰膺膺董荼如飴

又曰皇皇者華于彼原隰

又曰漆沮之從天子之所瞻彼中原其祁孔有

又曰中原有菽庶民採之

又曰原隰既平泉流既清

周禮曰原師辨原隰之名

又曰大司徒之職辨五地之物生五曰原隰其動物宜羸

物其植物宜叢物其民豐肉而庠

禮曰孟夏之月天子始命野虞出行田原爲勸民也

又曰聖王所以順山者不使居川不使渚者居中原而弗

敝也

傳曰晉侯蒐于清原作五軍以禦狄也

又曰晉魏絳曰昔辛甲之爲太史命百官官箴王闕於虞

人之箴曰在帝夷羿冒于原獸用不恢于夏家獸臣司原

敢告僕夫

又曰晉侯宋公齊國歸父秦小子憇次于城濮楚師背鄩

而舍晉侯患之聽輿人之誦曰原田莓莓含其舊而新是謀公疑焉子犯曰戰也戰而捷必得志於諸侯若其不捷表裏山河必無害也

春秋說題辭曰原端也平而有度也宋均曰度法則也

公羊傳曰上平日原

穀梁傳曰中國曰太原夷狄曰大鹵

國語曰溫之會晉人執衛成公歸之于周使醫鳩之不死醫亦不誅臧文仲言於僖公曰刑大者陳之原野小者致之朝市五刑三刺是無隱也今晉人鳩衛侯不死亦不誅其使者諱而惡殺之也有諸侯之請必免之

爾雅曰廣平曰原

又曰可食者曰原郭璞曰可食謂種穀給食也隄為舍人曰廣平謂土寬博而平

史記封禪書曰秦文公作鄜時靈公作吳陽上時宣公又

作密下時蓋三時在此原故號三時原

臧榮緒晉書曰宣帝鎮關中諸葛亮攻郿據渭水南五丈原帝禦之對壘相持百餘日俄而亮卒

唐書高祖校獵於華池之萬壽原白鹿見高祖親御弧矢射而獲之

郡國志曰韓馮翊有原按詩曰有倬其道韓侯受命是此原也

又古今地名云韓武子食采於韓原亦秦晉戰於此地即獲杜回又秦獲晉惠侯以歸之虜

裴景仁符書曰符健始皇五年鳳皇降渭濱杜陵南原三日而去

崔鴻前秦錄曰丞相符雄與相溫戰白鹿原晉師敗績又曰符健攻張琚于宜秋還登石安原而歎曰美哉斯原

也悵然有終焉之意

又曰晉梁州刺史司馬勳率步騎三萬自漢中入秦川符健拒之五丈原勳敗還

潘岳關中記曰周文王葬於畢長安東南有原名畢原

又曰驪山有白鹿原周平王時白鹿出此原故名之

又曰宣帝少依許氏長於杜縣樂之後葬於南原立廟於曲池之北亭曰樂遊原

辛氏三秦記曰長安城北有平原數百里無山川湖水民

井汲巢居井深五十丈有伯夷墓人食薇可常食或云夷

叔食之三年顏色如故

戴延之西征記曰河東鹽池東吳坂登七山原每登一原

輒峭起五六里原上平廣不知巨極

周處風土記曰陽羨邑者蓋吳郡之名境原則平坦高阜

岡若伏龍也

隰

釋名曰隰蟄也蟄濕意也

說文曰隰坂下濕也

春秋說題辭曰下濕曰隰隰者濕也下而澤也

尚書大傳曰下而平者謂之隰隰之言猶濕也

詩曰淇則有岸隰則有泮毛萇曰泮水也

又曰山有扶蘇隰有荷華

又曰山有漆隰有栗

又曰山有榛隰有苓毛萇曰苓大苦也

又曰山有苞櫟隰有六駮鄭玄曰山之有櫟隰之有六駮皆其所宜

又曰隰桑有阿其葉有儺鄭玄曰隰中之桑茂盛喻君子不用而野處也

禮曰孟春之月天子祈穀于上帝善相丘陵阪險原隰土

地所宜五穀所殖以教導民必躬親之
又季夏行秋令則丘隰水潦禾稼不熟
傳曰晉曲沃武公伐翼逐翼侯于汾隰驂絙而止夜獲之
及欒共叔
又曰楚薳掩爲司馬書土田度山林鳩藪澤收隰臯

太平御覽卷第五十七

太平御覽卷第五十八

地部二十三

水上

釋名曰水准也平准物也廣雅天下大水四謂之四瀆江

河淮濟也瀆獨出其所而入海也

易曰坎爲水潤萬物者莫潤于水

又曰水洊至習坎

又曰水流濕

書曰水曰潤下潤下作鹹

又曰若涉大水其無津涯

尚書大傳曰非水無以准萬里之平非人無以通遠道重

在也

詩曰相彼泉水載清載濁

又曰泗彼流水朝宗于海

又曰濟有深涉也深則厲淺則揭有弥濟盈不濡軌宜宜

宜濟喻淫亂

又曰就其深矣方之舟之方就其淺矣泳之游之

又曰恣彼泉水亦流于淇

又曰瀏其清兮深河水洋洋北流活活溱與洧方渙渙兮

春水盛

又曰楊之水不流束薪不流束楚不流束蒲

又曰泌之洋洋可以療飢言樂道也

禮曰夫水一勺之多及其不測鼉鼉蛟龍魚鱉生焉貨財

殖焉

又曰水之於人親而不尊

又曰水無當於五色五色不得不彰

又曰祭宗廟水曰清滌

又曰水煩則魚鼈不大

又曰小人溺於水君子溺於口夫水近於人而易以溺人

周禮曰水有時以凝

傳曰共工氏以水紀故為水師而水名

又曰潢汚行潦之水可薦於鬼神可羞於王公

又曰鄭子產謂子太叔曰唯有德者能以寬服民其次莫

如猛火烈人望而畏之故鮮死焉水懦弱民狎而翫之則

多死焉故寬為難也

春秋元命苞曰水之為言演也陰化淖濡流施潛行也故

其立字兩人交一以中出者為水一者數之始兩人譬男

女言陰陽交物以一起也

論語曰智者樂水

又曰子在川上曰逝者如斯夫不舍晝夜

爾雅曰水別流曰派風吹水涌曰波大波曰濤小波曰淪
平波曰瀾直波曰徑水朝夕而至曰潮風行水成文曰漣
水波如錦文曰漪水行曰涉逆流而上曰泝泗順流而下
曰泝游亦曰沿流絕流而渡曰亂以衣涉水曰厲由膝以
下爲揭由膝以上爲涉渡水颺曰津濟潛行水下爲泳
漢書曰成帝建始三年秋京師民無故相驚言大水至天
子親御前殿召公卿議大將軍鳳以爲太后與上及後宮
可御舟船令吏上長安城以避水群臣皆從鳳議左將軍
王商獨曰上古無道之國水猶不冒城郭今聖政和平世
無變革上下相安何因當有天水一日暴至此必訛言也
不宜令民上城重驚百姓上乃止有頃長安中稍定問之
果訛言上於是壯商之固守數稱其議而鳳大慙自悵失

言

後漢書東陽人趙炳字公河能越方禁與閩中徐登過於
烏傷溪水上禁小溪水不流

又曰竇太后臨政竇憲兄弟各擅威權丁鴻上封事曰夫
壞崖破巖之水源由涓涓于雲蔽日之木起於葱蒨
魏略漢火行忌水故去洛水而加佳魏爲土土水之母水
得土而流土得水而柔故除佳加水

晉書曰陸雲先是常着衰經上舡於水願見其影固大笑
落水人救獲免

又曰佛圖澄傳襄國城墮水源在城西五里其水源暴竭
勒問澄何以致水澄曰今當勅龍取水乃與弟子法首等
數人至故泉源上坐繩牀燒安悉香呪願數首言如此三
日水微流流有一小龍長五寸許隨來出諸道士競往視

之有頃水大至陸壘皆滿
 又曰鄧攸為太子中庶子吳郡闕守人多欲之帝以授攸
 攸載米之郡俸祿無所受唯飲吳水而已
 又曰孫登性無恚怒人或沒諸水中欲觀其怒既出便大笑
 齊書曰陸慧時為征虜功曹與參府軍沛國劉璉同從述
 職行至吳璉謂人曰吳間張融與陸慧並宅其間有水此
 水必有異味遂往酌而飲之
 唐書曰新豐鸚鵡谷水清代傳云此水清天下平開皇之
 初暫清尋濁至此而復清
 又曰乾元中嵐州上言合河關黃河水四十里間清如井
 水經四日而變
 又曰楊朝晟為邠州刺史奏方渠合不波皆賊路請城其

地以備之軍次方渠無水師徒囂然遽有青蛇乘高而下
 視其跡水隨而流朝晟令築防環之遂為滯泉軍人仰飲
 以足水精以用飲泉大司水志然水精能潤而飲人
 又曰孔若思遷庫部郎中若思常謂人仕至郎中足矣至
 是持一石止水滿於座右以示有止足之意
 老子曰上善若水水善利萬物而不爭處衆人之所惡故
 幾於道之妙不難限壽其德以平
 列子曰禹治水土迷之一國無風雨霜露不生鳥獸名曰
 終北有山名壺嶺頂有口若圓環名曰滋穴有水涌出名
 曰神瀛臭過蘭椒味過醪醴神瀛水
 又曰白公問於孔子曰人可與微言乎孔子不應白公曰
 若以石投水何如孔子曰若以水投水何如孔子曰淄澠之合易牙嘗而知之白公曰人故

不可與微言耶曰漸弱之合是平善而快之曰公曰人
又曰人有濱河而居者習於水勇於泅操舟鬻渡利供百
日裹粮就學者成徒而溺死者幾半本學泅不學溺而利
害如此○莊子曰君子之交淡如水

又曰秋水之至百川灌河流之大也兩崖浹之間不辨牛
馬其於是河伯欣然自喜以天下之美盡在己矣

又曰水之性不雜則清莫動則平

又曰孔子觀於吕梁懸水三十仞流沫三十里鼃龜魚鼈
不能游見一丈夫游之數百步而去

又曰水之守土地審無意則此於審

又曰水靜則明燭鬚眉大匠取法焉水靜猶明而況聖人
之心靜乎翻而前陳景今樂謂水之波為靜泉單人四於
又曰水之積也不厚其負大舟也無力有背地乘高而不

文子曰水之性欲清沙石穢之水之為道也廣不可極其極言深

不可測長極無窮遠淪無涯息耗滅益過於不訾涌出

煎乾曰耗出川枝流曰滅九野注之曰益
過於不訾者此過尾間入大壑入無底谷

又曰水濁者魚險噁

又曰混混之水濁可以濯吾足青青之水清可以濯吾纓

又曰水之道也大不可極深不可測上天為雨露下地為

潤澤

又曰猶鑿渠而止水抱薪而救火

墨水古語君子不鏡於水而鏡於人鏡於水見面之容鏡
於人則知吉凶

管子曰水者地之血氣筋脉之流者故曰水之材也夫水
淖溺以清好仁也視之黑而白精也量之至滿而止正也
流則至平義也人皆赴高已獨趨下卑也卑也者道之室

王者之器也准也者五量之宗也素也者五色之質也淡也者五味之中也故水藏萬物產金石故曰水神凡有五害水一也旱二也風霧雹霜三也厲四也蟲五也五害之屬水最為大水有大小有遠邇水出山而流入海命曰經水別於他水入於大水及海者命曰枝水水之溝流於大水及海者命曰川水水出於地而不流者命曰淵水

淮南子曰天下之物莫柔弱於水上天則為雨露下地則為潤澤萬物弗得不生百事不得不成大苞群生而無所私澤及蚊蟻蚊行也蟻微小之蟲也而不求報富贍天下而不既既也既德施百姓而不費德澤加於百姓不行不可得而窮也既德施百姓而不費德澤加於百姓不行不可得而窮極也微而不可得把握也擊之無創舂之不傷斬之不斷焚之不燃性也淖溺流遁錯繆相紛道逸也錯繆相紛波相份也而不可靡散利貫金石強濟天下水流破石是其利也舟船所載無有重是其強

也濟通也動溶無形之域而翱翔忽區之上忽慌之區上也言其飛為雲雨無所不遭廻川谷之間遭廻猶委曲也而滔騰大荒之野有餘不足與天地取與授萬物而無所前後前後皆與之是故無所私而無所公公一也私靡濫振蕩與天地同鴻鴻大無所左而無所右

蟠委錯紜音與萬物始終流轉是謂至德言水之為德最夫水所以能成其至德於天下者以其淖溺潤滑也故老聃之言曰天下至柔馳騁於天下之至堅出於無有入於無閒是水吾是以知無為之有益有益於生夫無形者物之大

祖也無音者聲之大宗也無形生有音故為聲大宗祖宗皆無音生有音故為聲大宗祖宗皆無也其子為光其孫為水皆生于無形乎光無形道所貴也水形而不可毀夫光可見而不可握水可循而不可毀差之故孫為形也

故有像之類莫尊於水出生入死自無蹠有自有蹠無而以衰賤矣出生入死道謂去清淨也入死入死道謂匿情欲也蹠適也自無形適有形離其本也自有形

適無形不能復得是故清淨者德之至也而柔弱者道之
 家所以衰賤也要約虛而恬愉者萬物之用也得為人用之肅然應感殷
 然反本則淪於無形矣所謂無形者一之謂也一者道也所
 謂一者無疋合於天下者也卓然獨立塊然獨處上通九
 天下貫九野九天八方中央員不中規方不中矩大渾而
 為一無根也懷囊天地為道開門門道穆志隱閔純德
 獨存穆志隱閔皆無形之布施而不既用之而不勤既盡也
 也勞
 又曰夫水之性若拙其所流而深之茨其所決而高也茨積
 之也墳滿使得循勢而行乘衰而流下衰雖有腐體流澌弗能
 汗腐澌水也其性非異也通之與不通也風俗猶此也誠決
 其善志防其邪心啓其善道塞其奸路與同出一道則民
 性可善而風俗遷矣

又曰河水赤水遼水黑水江水淮水是謂六水白水宜玉
 黑水宜砥青水宜碧赤水宜丹黃水宜金清水宜龜汾水
 宜麻洛水輕利宜禾渭水多力宜黍漢水重安宜竹箭
 又曰土地各以類生人是故清水音小濁水音大湍水人
 輕遲水人重

又曰白水出崑崙之原飲之不死
 又曰方諸見月則津而為水
 又萬畢術曰方諸取水方諸形若杯無耳以五石合治以
十二月壬子夜半作之以承水即
 來

抱朴子曰火出於陽燧陽燧真而火不負也水出於方諸
 方諸方而水不方也

又曰黃帝曰天在地外水在天外浮天而載地者水也
 又曰左慈以氣禁水水為逆流一二丈禁水著中庭露之

大寒不冰

尸子曰凡水其方折者有玉其圓折者有珠清水有黃金龍淵有玉英

顧子曰夷顧子與子華遊東池子華曰水有四德沐浴群生深流萬世是仁也揚清激濁蕩去滓穢是義也柔而難犯弱而難勝是勇也道江疏河惡盈流謙是智也

孟子曰數罟不入汚池魚鼈不可勝食也數罟密網也

又曰仲尼亟稱於水曰水哉水哉何取於水也

又曰原泉混混不舍晝夜盈科而後進放乎四海有本者如是也苟為無本七八月之間雨集溝澮皆盈其涸也可立而待也故聲聞過情君子耻之

又曰民之歸仁也猶水之就下也

又曰性猶湍水也決諸東方則東流決諸西方則西流人

性之無分於善不善也猶水之無分於東西也人無有不善水無有不下也

又曰仁之勝不仁也猶水之勝火也今之為仁者猶以一盃水救一車薪之火也

又曰觀於海者難為水遊於聖人之門者難為言觀水有術必觀其瀾瀾大波也○孫卿子曰孔子觀於東流之水子

貢問於孔子所以見大水必觀焉何也孔子曰夫水柔也而無為也似德其浩浩乎不屈似有道其赴百仞之谷不懼似勇主量必平似法盈不求概似正發源必東似志是以君子見大水必觀焉大戴禮孔子家語並有

太平御覽卷第五十八

其言下以大水必竭... 而後... 其言... 太平御覽卷第五十八

太平御覽卷第五十九

地部二十四

水下

水下

水災

救水災

晏子曰景公問廉政何如對曰其行水也美哉水乎其濁無不塗其清無不掃○揚子法言曰或問進曰水或曰為其不舎晝夜與曰有是哉滿而後漸者其水平李軌注曰水滿坎而

後進人博學而後仕

瑞應圖曰共工氏受水瑞百官師長以水為號蒙水瑞水也君乘土而王其政太平則蒙水出於山焉

韓詩外傳曰夫水者緣理而行不遺大小似有智者動而之下似有禮者蹈深不疑似有勇者障防而清似知命者歷險致遠似有德者天地以成群物以生國家以寧萬事

以平此智者所以樂於水也

又曰冬不數浴非愛水也

又吳越春秋曰伍子胥奔吳至溧陽溧陽女子擊纒瀨水之上子胥過跪而乞食女子簞飯壺漿而食之子胥食而去謂女子曰掩子壺漿勿令其露女子曰行矣子胥行五步還顧女子已自投瀨中後子胥伐楚師還過溧陽瀨上欲報以百金不知其家乃投金瀨水而去後有嫗行哭而來曰吾女年三十不嫁擊纒於此遇窮人飯之恐事泄投水而死乃取金歸

物理論曰所以立天地者水也夫水地之本也吐元氣發日月經星辰皆由水而興

又曰九州之外皆水也余昔在會稽仰看南山見雲如瀑練方數十丈其聲礮礮須臾山下居民駕駭洪水大至

列仙傳曰負局先生上吳山語下人吾欲還蓬萊山為汝曹下神水崖頭一旦有水白色從石間下服之多愈疾楚詞曰滄浪之水清可以濯吾纓滄浪之水濁可以濯吾足。玄中記曰天下之多者水焉浮天載地高下無不至萬物無不潤

山海經曰剡山有獸焉名曰合窳見天下大水高箭之山

其上有水焉甚寒而清帝臺之漿水也郭璞注曰河東解縣檀道山有水潛

出山上俗名曰大荒之隅有山而不合名曰不周有寒暑

之水

又曰譙明之山巖水出焉而西流注于河其中多河羅之

魚一首而十身

又曰少陽山酸水出焉東而流注于汾水其中多美楮子

日社有楮

水經注曰鬱水即夜郎豚水也漢武帝時有竹王興於豚水有一女子浣於水濱有三節大竹流入女子足間推之不去聞有聲持破之得一男兒遂雄夷濮氏竹爲姓所損破竹於野成林王祠竹林是也王嘗從人止大石上命作羹從者白無水王以劍擊石出水今竹王水是也

又曰趙人有琴高者以善鼓琴爲康王舍人行彭涓之術遊浮碭郡閒二百餘年後入碭水取龍子與弟子期期日皆潔齋待於水傍果乘赤鯉出入碭中有萬人觀之留月餘復入水也

又曰姜水按世本炎帝姜姓

帝王世紀曰炎帝神農氏母曰姜嫄遊華陽感神而生炎帝長於姜水一曰水自南而北又曰昔沫水自蒙山至南安而涸崖水脉漂疾破害舟船

歷代爲患蜀郡太守李冰發卒鑿平涸崖河神鬲怒冰乃操刀入水與神鬲遂平涸崖通水路開處即冰所穿也

又曰黃水出零陽縣西北連巫山溪出雄黃頗有神異探之常以冬月祭祀鑿石深數丈方得雄黃故溪水取名焉

又曰沁水南歷猗氏關又南與羸羸水合水出東北巨峻山乘高瀉浪觸石流響世人因聲以稱之

又曰巴郡魚復縣夷水即佷山清江也水色清照十丈蜀人見其澄清因名清江也

又曰溱水出浮石嶺北青衣山亦謂之青衣水也

又曰廬山之北有石門水水出嶺端有雙石高竦其狀若門因有石門之目焉水導雙石之中懸流飛澗三百許步下散漫十許步上壑上之連天若曳飛練於霄中矣

又曰永昌郡有蘭倉水出西南博南縣漢明帝永平十二

年置博南山名也縣以山名之其水東北流出博南山漢武帝時通博南山道渡蘭倉津土地絕遠行者苦之歌曰漢德廣開不賔渡博南越倉津一渡蘭倉為他人山高四十里蘭倉水有金沙越人收以為黃金又有光珠穴穴出光珠又有琥珀珊瑚黃白青珠也

荆州記曰夏首東二十里有涌口二水之間謂之夏洲首尾七百里華容監利二縣在其中楚詞曰過夏首而西澗郭仲產云此水冬斷夏通因名夏水

述異記曰灘渙二水波文皆若五色其人多文章故名績水

又曰漢河會流處岸上有石銘云至水府三十一里皆傳李斯刻石於此

龍魚河圖曰玄洲在北海中地方三十里去南岸十萬里

上有芝著玄澗澗水如蜜味服之長生

淮南子又載也

萬震南州異物志曰天竺有恒水一號新陶水水特甘香下有真鹽也

廣志曰臨川郡有粉水得其水汰粉益潔

盛弘之荊州記曰陽縣西有粉水源出房陵縣取其水為粉鮮潔異於餘水故因粉為名也巴郡臨江縣有此水舊常獻之也

韓詩外傳曰溱與洧三月桃花水下之時眾士女執蘭拂除鄭國之俗三月上巳之日此兩水上招魂拂除不祥也秦州記曰成紀縣有石臼中水深數尺水旱無增減故名其地為天水郡

搜神記曰漢末零陵太守有女悅門下書佐使婢取盥手水飲之而有娠而生子至能行太守抱兒使求其父兒直

上書佐滕書佐推之兒仆地爲水
三齋略記曰康浪水在齊城西南十五里康衢則甯戚扣
牛角歌於此也

述征記曰臨淄牛山下有女水齊人諺曰世治則女水流
世亂則女水竭慕容超時乾涸彌載及宋武北征而激洪
流
續述征記曰梁鄒城西有籠水云齊孝婦誠感神明湧泉
發於室內潛以績籠覆之由是無瓮汲之勞家人疑之時
其出而搜其室試發此籠而泉遂涌流漂居宇故名曰水籠
始興記曰林水源中有石室室前磬石上行羅于瓮中悉
是斛銀採伐遇之不得取取必迷悶

各山略記曰僧權道人居晉安霍山晨出澗忽見白水異
常飲之甘如醴水過甚迅器取得少許以餉陶晉安不復

中飲權壽自三十歲不知其終

盛弘之荊州記曰桂陽郡有圓水水一邊冷一邊暖冷處
清且綠暖處白且濁

隴右記曰武都紫水有泥其色亦紫而粘貢之用封璽書
故詔誥誥有紫泥之美

方輿記韶州曲江縣修仁水西南注連水北有三楓亭五
渡水齊范雲爲始興太守至修仁水酌而飲之賦詩曰三
楓何習習五渡何悠悠且飲修仁水不挹借邪流

吳錄地理志曰天門零陵縣有溪水山獸從數十里往飲
之越他水則不飲
廣志曰弱水夫餘北其水不勝毛羽世無見者

博物志曰水有濁有清河淮濁江濟清南陽有清冷之水
丹水泉水汝南有黃水華山南有黑水天下之水皆類五

色今載其名也汴水不流山南有異水天不之水皆醜正
郡國志曰隆州新五縣置果州閬中有陰水其民銳氣而
善舞也異水夫餘北其水不流于林其舞良俗
又曰溢水昔人此處洗銅盆水暴漲失盆乃投水取盆見
一龍銜盆奪之而去故曰溢水齊水山南有異水
又曰庭州瀟水淅滴滴若以金銀銅鐵器盛之皆漏唯瓠
葉則不漏人掌中亦漏服之少鼻毛落得仙之類
論衡曰燧之取火於日方諸取露於月天地之間巧曆所
不能與其數乎然以掌握之中引類於太極之上而水火
可立致者陰陽因相動也其類
異苑曰孫權赤烏八年遣校尉陳勲漕句容中道鑿破堙
掘得一黑物無有首尾形如數百斛船長數十丈蠢蠢而
動有頃悉融液成汁時人莫能識得此之後獲泉源咸謂

是水脉每至大旱餘瀆皆竭唯此巨流通焉

水災

書曰上天降災下民昏墊

又曰湯湯洪水方割湯湯流兒洪大割害也蕩蕩懷山襄陵浩浩滔

天

傳曰凡平原出水為大水

史記曰秦武王三年渭水赤三日昭王三十四年渭水大

赤三日洪範五行傳曰赤者火色也水盡赤者以火沴水也渭水秦大川者陰陽色亂秦用嚴刑敗亂之象也

漢書五行志曰高后三年漢中南郡河陽大水流數萬家

是時女主獨治諸呂相王漢東水

續漢書五行志曰相帝永興三年彭城泗水逆流永壽元

年洛水溢至津城門漂流人物是時梁冀爭政嫉害忠直

太平御覽 卷五十九 六

後遂誅滅生事於門人物是時天下大亂古今注曰安帝延平六年河東水化為血元初二年潁川襄城臨水化為血不流平京房易曰君酒於酒淫於色賢人潛國家危厥異流水赤赤三日史記曰堯命鯀治水九載績用不成王謝承後漢書曰沛國陳宣字子興建武十年雒水出造津城門或欲築塞之宣諫曰昔王尊正身金堤水退汎聖主耶言未絕而水去范曄後漢書曰公沙穆銳思河洛推步之術永壽元年雨大水三輔以東無不漂沒穆明曉占候乃預告令百姓徙居高地故弘農人獨得免災

又曰任文公巴郡人也為治中從事時天大旱白刺史曰五月一日當有大水其變以至不可防救宜令民吏預為其備刺史不聽文公獨儲大船百姓或有信文公頗有防者到其日旱烈文公急命從載白刺史刺史不信至日中雲起須臾雨至晡時湔水涌起十餘丈突壞廬舍所害數千人

淮南子曰古者水為民害禹鑿龍門辟伊闕平治水土使民得陸處百姓不親五品不順契教以君臣之義父子之親夫婦之別長幼之序田野不脩民食不足后稷乃教之辟地墾草糞土種穀令百姓家給人足故三后之後無不王者有於世其後繼嗣至今不絕者有隱行也

積蘆灰以止淫水... 太平御覽卷第五十九

太平御覽卷第五十九... 太平御覽卷第五十九

太平御覽卷第六十

地部二十五

海

釋名曰海晦也注引穢濁其水黑而晦也... 廣雅

禮記曰三王之祭川也皆先河而後海

又曰洗之在阼其水在洗東祖天地之左海也

禮斗威儀曰君乘土而王則海夷

論語曰子曰道不行乘桴浮于海

公羊傳曰河海潤千里

春秋考異郵曰黃星騁海水躍宋均曰黃星土精土安靜

躍則失常史記曰天不足西北星辰西北移地不足東南以海爲池

漢書曰霍去病擊匈奴封狼居胥山登臨瀚海如淳注曰北海也

謝承後漢書曰汝南陳茂嘗爲交阯別駕舊刺史行部不

渡漲海刺史周敞涉海遇風船欲覆沒茂拔劍訶罵水神

風即止息晉書鮑靚爲南海守嘗行部入海遇風飢甚聚白石煮食

之以濟又曰李洎遼東人祖敏漢河內太守去還鄉遼東太守公

孫度欲強用之敏乘輕舟浮海莫知所終

王隱晉書曰慕容晃上言曰臣躬征平郭遠假陛下天地

之威將士竭命精誠感靈海爲結冰凌行海中三百餘里

臣自立國及問諸故老初無海水冰凍之歲

韓詩成王時越裳氏重三譯而朝曰天下不逆風疾雨海

之不波溢三年矣中國必有聖人

老子曰江海所以能爲百谷王者以其善下也

列子曰渤海之東不知幾萬億里有大壑無底之谷名曰歸塘張堪注曰莊子云尾閭也

之一日鑿一竅七日而渾沌死
 又曰肩吾曰其於治天下也猶涉海鑿河使蛟負山也
 又海水三歲一周流波相薄故地動中央
 又曰周顧視車轍有鮒魚焉曰我東海之波神也君豈有
 斗升之水活我哉
 又曰北溟有魚其名曰鯢化為鳥其名曰鵬將徙於南溟
 擊水三千里
 又曰秋水時至百川灌河諸涯之間不辨牛馬河伯欣然
 自喜以天下之美為盡在己順流東行至於北海東面而
 視不見水端向若而歎北海若曰井蛙不可以語於海者
 拘於墟也夏蟲不可以語於冰者篤於時也曲士不可以
 語於道者束於教也天下之水莫大於海萬川歸之不知
 何時止而不盈尾閭泄之不知何時已而不虛春秋不變

水旱不加此過江河之流不可為量數司馬彪曰尾閭水之從海外出者也
 文子曰古之善為君者法海以象其大注下以成其廣
 淮南子曰彗星隊而渤海決

又曰海不讓水積小以成其大

又曰庶女告天庶女少寡無子養姑者也姑無男有女女利母財而殺母以誣告寡婦婦不能自解

故告雷霆下擊景公臺隕景公齊景公也雷擊景公為雷景公臺隕壞之也枝體傷折

又曰舟在江海不為莫乘而不浮君子行義不為莫知而

止休

孟子曰觀於海者難為水遊於聖人之門者難為言

抱朴子曰大厦既燔而運水於滄海此無及也

說苑曰齊景公遊於海上而樂之六月不歸告左右曰敢

有先言歸有致死不赦顏燭進諫曰君樂治海不樂治國

彼若有治國者君安得樂此海乎遂歸中道聞國人謀不

內之曰齊景公遊於海而樂之六民不

法言曰百川學海而至于海丘陵學山而不至于山

山海經曰大荒中有山名曰天臺海水入焉

又曰桂林八樹在賁海東八樹而成林言其大也賁隅今番隅也

又曰發鳩之山有鳥名曰精衛炎帝之女遊于東海溺而

不返是故精衛常取西山之木石以堙東海

周景式孝子傳曰管寧避地遼東遇風船人危懼皆叩頭

悔過寧息惟誓咎念嘗如廁不冠而已向天叩頭風亦尋

靜

神仙傳曰麻姑謂王方平曰自接待以來見東海三為桑

田向到蓬萊水乃淺於往者略半也豈復將為陵陸乎

皇甫謐高士傳曰姜肱字伯淮十辟公府九舉有道皆不

就靈帝時曹節白帝徵肱隱身遯命浮桴入海名蓋天下

幽明錄曰海中有金臺山高百丈結構巧麗窮盡神工橫

光嚴渚竦曜星門臺內有金机彫文備制

十洲記曰扶桑在碧海之中北面一萬里有大帝宮大員

東王公所治處山外別有員海繞山員海水色正黑謂之

冥海無風而洪波百丈唯飛仙能到其處

玄中記曰天下之强者東海之沃焦焉水灌而不已沃焦

者山名也在海東三萬里

博物志曰舊說天河與海通近世有居海渚年年八月有

浮查去來往反不失期此人乃立屋於上查賚糧乘查去

忽不覺晝夜奄至一處有城廓屋舍望見室中多織婦見

一丈夫牽牛渚次飲之驚問此人何由至此此人即問此

為何處荅曰君可詣蜀問嚴君平此人還問君平日某月

有客星犯斗牛即此人到天河也

崔鴻十六國春秋前燕錄曰慕容晃將乘海討其弟仁襲其不意羣臣以凌道危阻宜從陸路晃曰舊海水凌自仁反己來三凍皆成昔光武合滹沱之冰以濟大業天其或者欲乘此而尅之乎吾計決矣沮謀者斬二月晃親率三軍擒仁賜死

東方朔十洲記曰祖洲東海中地方五百里上有不死草生瓊田中草似菰苗人已死者以草覆之皆活

又曰扶桑在碧海中樹長數千尺一千餘圍兩兩同根更相依倚是以名扶桑

關令內傳曰天有五億五萬五千五百五十里地亦如之各以四海為脉

江

釋名曰江公也小水流入其中所公共也

說文曰江水出蜀湔氐徼外崕山

又曰江至會稽郡為浙江

尚書曰岷山導江東別為沱

毛詩曰江有沱江有汜

又曰滔滔江漢南國之紀

春秋元命苞曰牛女為江湖江湖者所以聞神潤化故其氣過急

家語曰楚昭王渡江江有物大如斗圓而赤直觸王舟舟人取之王大怪使之魯問孔子孔子曰此萍實也可剖而食之吉祥唯霸者能獲之使返王遽食之甚美

謝承後漢書曰吳郡沈豐為郡主簿太守第五倫母老不能之官倫每至臆節常感戀垂泣遣豐迎母廣陵母見大

江畏水不敢渡豐祭神令子孫對母飲酒因醉卧便渡
又曰吳郡王闔渡錢塘江遭風船欲覆闔拔劔斫水罵伍
子胥風息得濟

續漢書曰張禹拜揚州刺史當過江行部中土人皆以江
有子胥之神難於濟涉禹厲聲言曰子胥如其有靈知吾
志在理察枉訟豈危我哉遂鼓而過

魏志文帝伐吳至長江而歎曰天固以限南北也
晉書祖逖北渡江中流誓曰逝不靜中原而復濟者有如
大江

又曰吳猛年四十邑人丁義如授神方因還豫章江波甚
急猛不假舟楫以白羽扇畫水而渡

又曰王濬有奇略武帝謀伐吳詔濬造船於蜀其木植蔽
江而下

又曰陶侃語人曰大禹聖人乃惜寸陰至於衆人當惜分
陰參佐以戲廢事者乃取其菹博之具悉投于江
莊子曰魚相忘於江湖

孫卿子曰子路盛服見孔子孔子曰由是禴禴者何也昔
者江出於汶山其始出源可以濫觴及其至江之津也不
方舟不避風不可涉非唯下流大耶今汝衣服旣盛顏色
充盈天下且孰肯諫汝乎

三十國春秋曰劉裕次山陽聞何無忌敗績卷甲兼行將
濟江而風急衆咸難之裕曰若有天命風當自息如其天
不助舟覆溺何足怪卽命登舟舟移而風止

董覽吳地記曰夫差立子胥以忠諫見忌遂賜死浮尸于
江夫差悔焉與羣臣於江設祭

列仙傳曰江妃二女遊於江濱逢鄭交甫遂解佩與交甫

受珮而去去數十步懷中無佩女亦不見
 列女傳曰楚昭王貞姜者昭王夫人齊女也昭王出遊留
 夫人漸臺江水大至遣使者迎夫人忘持符夫人曰王與
 宮人約召必以符今使者不持符妾不敢行於是使者返
 取符未還臺已壞沉水而死

又曰廣漢姜詩妻事姑至孝姑好飲江水水去家七里妻
 常鷄鳴泝流而汲值風雪不時得水詩責遣之妻寄隣家
 紡績以市珠味使隣母遣姑詩聞追還舍側忽有涌泉出
 味如江水華陽國志又載

論衡曰儒書言伍子胥恨吳王驅水為濤而溺殺今會稽
 錢塘丹徒江皆立子胥祠欲止其濤也

表山松宜都記曰對西陵南岸有山其峯孤秀人自山南
 上至頂俯臨大江如縈帶視舟舡如鳧鴈

又曰大江清濁分流其水十丈見底視魚游如乘空淺處
 多五色石

新序曰禹南濟于江黃龍負舟舟中之人失色禹仰視天
 而歎曰吾受命於天死生命也龍弭耳而逃

吳錄曰步騭表言北降人說北多作布囊欲以盛沙塞大
 江吳主曰此曹必不敢來若不如孤言當以牛千頭為君
 作主人後見呂岱說騭言北欲以囊塞江輒失笑曰此江
 自開闢以來寧可以囊塞乎

水經注曰昔吳郡太守張公直自九江守徵還道由廬山
 子女觀祠女戲廟像其妻夜夢神人致娉覺言於夫至明
 恐怖遽發船引中流而不行妻曰愛一女而合門受禍也
 公直不忍遂令妻下女於江其妻布席水上以其亡兒女
 代之而船得進尋公直知兒女怒妻曰吾何面於當世也

復下己女於水中將渡遙見二女於岸側傍有一吏立曰
 吾廬君主簿敬君之義悉還二女
 風俗通曰江貢也所出珍物可貢獻也
 荊州記云江出岷山其源若夔口可以濫觴在益州建寧
 漏江縣潛行地底數里至楚都遂廣十里
 傅子曰江海所以能為百谷王者以其不逆之苟有所逆
 眾流不至多矣

太平御覽卷第六十



